

聖善住意天子所問經翻譯之記 末

夫法留正像唯聖是依季行此世非
賢豈伏三藏法師毗目智仙出自烏
菟剎利王種幼履慈蹤長躡悲跡攝
化羣迷誠惡道善常為衆生不請之
友執此法燈照彼昏闇魏皇都鄴崇
福以資興和二年歲次實沉佛法加
持出此經典名善住意天子所問建
午閏月朔次丁丑戊寅建功乙巳畢
功助譯弟子瞿曇流支對譯沙門曇
林之筆庶俟存道敬法之賢如寶印
記示今不惑耳

聖善住意天子所問經卷上

元魏三藏法師智仙共般若流支譯

歸命一切諸佛菩薩歸命世尊大智
慧海毗盧遮那釋迦牟尼佛法光明
歸命聖者文殊師利大菩薩海歸命
聖者善住意天子遍行大乘者
如是我聞一時婆伽婆住王舍城耆
闍崛山中與大比丘衆六万二千人
俱皆是智者之所識知一切悉是大
阿羅漢諸菩薩摩訶薩四万二千人

其名曰

善住意天子經卷上

第一

善

文殊師利菩薩師子幢菩薩彌勒菩
薩觀世自在菩薩得大勢菩薩辯聚
菩薩持地菩薩彌樓山菩薩彌樓幢
菩薩不動搖菩薩善思義菩薩善思
惟菩薩踊猛意菩薩慧心菩薩善心
菩薩摩尼聚菩薩山相擊王菩薩寶
手菩薩寶意菩薩寶印手菩薩常舒
手菩薩常縮手菩薩常精進菩薩度
衆生菩薩增上精進菩薩如說能行
菩薩精進願菩薩手燈菩薩等心菩
薩捨罪菩薩除諸悲闇菩薩力不壞
菩薩日藏菩薩金剛遊步菩薩无邊
遊步菩薩無量遊步菩薩不動足遊
步菩薩虛空庫菩薩上意菩薩勝意
菩薩增上意菩薩吉行菩薩持地住
菩薩月光菩薩月幢菩薩光幢菩薩
光德菩薩遊步到明菩薩師子遊步
雷音菩薩无尋辯菩薩相應辯菩薩
捷疾辯菩薩寂勝菩薩蔽日月光菩
薩无攀緣菩薩無比菩薩根常喜笑
菩薩障一切罪菩薩捨女飭菩薩摩
尼耶菩薩光明菩薩淨滿菩薩得大

善住意天子經卷上 第二

菩薩集光王菩薩深吼菩薩如是等
上首菩薩摩訶薩四万二千人俱
尔時復有四大神王天帝釋王婆娑
世界主大梵天王如是等上首六万
天子俱復有七万三千天子善住意
天子善寂天子摩醯首羅天子而為
上首皆樂修行菩薩之道復有二万
阿修羅王羅睺阿修羅王彌樓阿修
羅王而為上首皆樂修行菩薩之道
復有六万龍王名不苦惱龍王名月
龍王名得叉迦龍王而為上首皆樂
修行菩薩之道如是復有無量百千
天龍夜叉乾闥婆阿修羅迦樓羅緊
那羅摩睺羅伽人與非人諸大衆俱
比丘比丘尼優婆塞優婆夷皆悉來
集尔時世尊无量百千眷屬圍遶恭
敬尊重而為說法尔時文殊師利童
子於自寺住獨坐思惟心靜三昧正
念觀察正觀察已起彼三昧起三昧
已復入三昧以三昧力六種震動十
方無量不可計數阿僧祇耶不可思
議恒河沙等諸佛世界尔時文殊師
利童子起彼三昧如法思惟生如是

普賢天子經卷上 第四品 教 具持

心佛出世難人身難得如優曇華出時甚難如是如來應正遍知亦復如是出世甚難人身難得若無說法則不可得盡生死苦諸佛正法甚深難知若無佛者云何聞法若不聞法則不能令衆生苦盡若我往至如來所已如法難問如法難已畢竟得發衆生善根畢竟能令菩薩乘人不可思議佛法滿足此處娑婆世界衆生極重貪欲極重瞋恚極重愚癡遠離善法習近惡法愚癡闇鈍無慙重心若其無佛無法無僧云何而得令衆生開慧眼淨

尔時文殊師利童子如是思惟我召十方無量百千諸菩薩衆令集此處聞如來法以身證知甚深法忍尔時文殊師利童子念已即入普光離垢莊嚴三昧入三昧已放大光明遍照十方不可計數阿僧祇耶不可思議無量无边恒河沙等諸佛世界即時十方不可計數阿僧祇耶不可思議無量无边恒河沙等諸佛世界大光明現其光明淨十方世界垢濁堆阜

普賢天子經卷上 第五品 教 具持

樹林諸山所迦婆羅目真隣陀雪山弥樓摩訶弥樓一切所有幽闇之處悉皆大明不相障碍

尔時十方不可計數阿僧祇耶不可思議無量无边恒河沙等諸佛世界諸佛世尊皆悉現在現命現住彼佛侍者既觀光明各問其佛自言世尊何因何緣於此世界大光明現昔未見聞如是光明甚可愛樂世尊如是光明我等遇之心得清淨身力增益貪欲恚癡不淨衆生是誰威力何人寶藏如是淨光是誰所放如是問已彼佛世尊默然不答如是十方諸佛世界天龍聲聞夜叉聲阿修羅聲迦樓羅聲乾闥婆聲人聲非人聲畜生聲如是衆聲一切止息風聲水聲大海潮聲歌咏等聲如是諸聲以佛力故一切止息皆悉寂然一切寂靜第一寂靜彼佛侍者各各如是第二第三諸其佛言如是世尊何因何緣有此光明唯願說之唯願說之如來若說則能利益一切衆生饒益安樂一切衆生令多衆生一切皆得義相應

普賢天子經卷上 第六品 教 具持

樂利安人天是誰威力放此光明遍照一切諸佛世界

尔時十方不可計數阿僧祇耶不可思議無量无边恒河沙等諸佛世界諸佛世尊一切同聲皆共一音一切諸佛同一口業皆同一法為侍者說彼佛侍者一一皆知如來所說彼佛世尊所出音聲遍滿一切諸佛世界彼諸天人一時俱作百千伎樂彼樂音中說言無常苦无我等如是如是和合出聲所謂空聲無相聲无願聲無染聲解脫聲法性聲真如聲實際聲布施聲持戒聲忍辱聲精進聲禪定聲般若聲柔和聲利益聲慈聲悲聲喜聲捨聲出如是等百千法聲此聲出已有不可數億那由他百千衆生必定不退阿耨多羅三藐三菩提不墮聲聞緣覺之地不墮帝釋大梵天王轉輪王地

尔時十方不可計數阿僧祇耶不可思議無量无边恒河沙等諸佛世界諸佛世尊告侍者言止善男子汝不須問非汝境界非諸聲聞緣覺境界

聲聞緣覺若聞我說心意迷亂我若說者一切天人皆悉迷沒善男子以要言之彼法光明所有功德能令衆生乃至無量不可思議善根成就能令一切菩薩乘人乃至無量不可思議布施助道戒忍精進禪慧助道皆悉滿足善男子汝今當知若以一切若餘殘劫說此光明所有功德不可窮盡諸佛菩薩於諸衆生起慈悲心放此光明令諸衆生渴仰欲聞汝今諦聽善思念之我為汝說彼侍者言如是世尊願樂欲聞彼佛世尊各告侍者作如是言善男子有佛世界名曰娑婆彼中有佛號釋迦牟尼如來應正遍知於今現在現命現住明行足善逝世間解無上士調御丈夫天人師佛世尊出五濁世彼衆生貪欲瞋恚愚癡所縛無恭敬心諸根闇鈍無慚愧愧為彼衆生於彼世界如法苦行獲得阿耨多羅三藐三菩提覺已而為說法善男子彼娑婆世界釋迦牟尼如來佛土有童子善薩摩訶薩名文殊師利有大勢力大智慧

力大精進力能與一切菩薩歡喜菩薩化主菩薩導首安慰衆生菩薩之父菩薩之母解了一切諸法句義點慧明了得無障尋慧波羅蜜得無障尋願力自在得陀羅尼不可思議功德具足於彼釋迦牟尼如來所說法中善能問難能令衆生善根成就令一切菩薩乘人不可思議佛法滿足善男子彼文殊師利童子菩薩為集十方不可計數諸菩薩故放此光明隨何等入聞法因緣放此光明彼佛侍者各問其佛白言世尊彼文殊師利童子菩薩住何三昧而能如是放斯光明彼佛答言善男子有三昧門名曰普光離垢莊嚴文殊師利童子菩薩住是三昧而能放此如是光明彼侍者言不念世尊如是光明豈非彼佛世尊所放能如是清能如是淨能作如是身心喜樂佛言不念善男子菩薩常法共說菩薩教誡法門今時十方不可計數阿僧祇耶不可思議無量无边恒河沙等諸佛世界彼不可數阿僧祇耶不可思議無量

无边恒河沙等諸佛世界一一世界諸菩薩等既觀光明各到佛所頭面礼足白言世尊如是无量功德光明從何處來誰之所放彼佛告言善男子有佛世界名曰娑婆彼中有佛號釋迦牟尼如來應正遍知於今現在現命現住為諸菩薩說清淨法彼有童子善薩摩訶薩名文殊師利放此光明為集十方諸菩薩故如是說已彼諸菩薩摩訶薩等各請其佛白言世尊我今欲詣娑婆世界奉見世尊釋迦牟尼如來應正遍知供養彼佛礼拜親近諮請問答并見童子文殊師利及餘菩薩摩訶薩等佛言便往今正是時時彼十方不可計數阿僧祇耶不可思議無量无边億那由他有頻婆羅百千菩薩摩訶薩等各礼佛足於其國土忽然不現辭如壯士屈申辭頃一剎那頃一羅婆頃摩臘多頃各各到此娑婆世界既到此已皆至世尊釋迦牟尼如來住處有兩細末鬘利香者兩塗香者有兩華者雨天優鉢

善住意天子經卷上 第十次 本

羅華鉢頭摩華拘物頭華芬陀利華
阿提目多伽花雨瞻蔔華波吒羅華
檀尼師迦梨迦華須摩那華婆利師
華曼陀羅華波流沙華摩訶波流沙
華栴陀羅華摩訶栴陀羅華雨如是
等無量妙華雨如是等無量妙香雨
華香已往至世尊釋迦牟尼如來佛
所或有菩薩同聲讚歎如來功德讚
歎之聲聞於三千大千世界如是讚
歎至如來所如是種種各各異法而
來集會皆到世尊釋迦牟尼如來佛
所到佛所已彼諸菩薩摩訶薩等威
德力故令此世界若干地獄若干畜
生若干餓鬼所受苦惱皆得休息无
一衆生貪欲所惱亦復不為恚癡所
惱無有嫉妬无幻爲者無諂曲者无
憍慢者亦不自是亦不忿恚亦不熱
惱一切衆生慈心相向甚有愛念皆
志和順

善住意天子經卷上 第十次 本

去地不遠一多羅樹忽然不現一切
皆入隱一切身菩薩三昧入三昧已
隨心所樂出生蓮華有種種色華有
无量百千衆葉於華臺上結加趺坐
身不動搖

尔時長老摩訶迦葉見此希有未曾
有法神通之事復見雨華復見雨香
復聞樂聲百千種音見大光明復見
雨華遍四天下滿此世界積過於膝
見佛大會天龍夜叉乾闥婆阿修羅
迦樓羅緊那羅摩睺羅伽人與非人
比丘比丘尼優婆塞優婆夷等身皆
金色尔時長老摩訶迦葉從座而起
袒服左肩右膝著地攝身圓坐向佛
合掌偈讚請曰

歡喜常快樂 善淨口業說 具十力雄猛
功德有百重 人處天處行 志无與等者
巨思無稱量 惡意永已盡 百那由他劫
久修施戒等 尊戒絕群類 無數誠善逝
力忍力善力 復有十力力 无心作功德
願斷我疑網 見苦惱衆生 百劫修苦行
而心不疲倦 已令得歡喜 捨國城妻子
頭目等種種 一切心喜與 願斷我疑網

善住意天子經卷上 第十次 本

世尊久已捨 象馬及羣與 頭衣等種種
捨百那由他 飲食舍等物 捨與牟尼那
施時常歡喜 是故成善逝 剗截身體時
忍受無瞋恨 隨問皆能答 巧說忍善力
修行於空法 善思量淨施 功德畢竟持
故我問清淨 貪瞋癡磨滅 見衆生苦惱
貪瞋癡所覆 我想而自經 悲心愍此故
百劫行到道 亦導諸有者 是故我歸依
以智慧增長 彼得行善行 常爲諸衆生
說空法令樂 無屈行善因 成善逝世尊
世尊檀清淨 願斷我疑網 修行施戒忍
精進志已備 檀慧皆具足 常樂修慈心
无等等功德 如海不思議 如海水之深
是故我歸依 世尊於往昔 一鳥來歸依
自割淨身肉 齋齋耕耨之 舉身上秤槃
乃與鳥平等 世尊大慈光 願斷我疑網
太山可動轉 虛空可令有 諸天功德舍
亦可隨此地 海水可枯竭 修羅宮可墮
日月可墜落 世尊語區異
尔時長老摩訶迦葉以偈讚歎請如
來已白言世尊以何因緣有大光明
遍照世界如是妙色昔所未有今見
此瑞佛尊尊者大迦葉言止止迦葉

汝今云何作如是說莫如是問如此之事非是一切聲聞緣覺所能測量一切天人所迷沒處唯是諸佛如來所知尊者大迦葉白佛言世尊如來若說多所利益多人安樂今時世尊即告尊者大迦葉言汝今諦聽善思念之我為汝說大迦葉言善哉世尊願樂欲聞佛言迦葉文殊師利童子今入普光離垢莊嚴三昧以三昧力放此光明遍照十方不可計數阿僧祇耶不可思議無量無邊恒河沙等諸佛世界普召十方不可計數阿僧祇耶不可思議無量無邊恒河沙等世界彼諸菩薩今者皆悉頂禮我足右遶三匝上虛空中去地不遠一多羅樹坐蓮華座

此時尊者摩訶迦葉白佛言世尊彼諸菩薩威神之力乃能如是雨華雨香雨末香等百千音樂皆出妙聲佛言如是如是迦葉此諸菩薩威力如是雨華雨香雨末香等百千音樂皆出妙聲大迦葉言不尔世尊何處有此菩薩可見佛言迦葉彼乃非是聲聞緣覺之所能見何以故迦葉何處大悲菩薩境界何處大慈何處利益何處修行布施持戒忍辱精進禪定智慧菩薩境界非彼聲聞緣覺信行迦葉當知此諸菩薩一切皆入隱一切身菩薩三昧聲聞緣覺所不能見唯如來見如是迦葉已住此地菩薩能見住地菩薩尚不能見此善男子唯依信行何況聲聞緣覺能見若能見者無有是處

此時長老摩訶迦葉白佛言世尊菩薩修行成就幾法行何善根成何功德而能得入隱一切身菩薩三昧佛言迦葉諸菩薩摩訶薩畢竟成就十種法故則能得入隱一切身菩薩三昧何等為十一者信行堅固二者為滿大悲心常不捨一切眾生三者捨一切物四者受持佛法而不取著五者不受聲聞緣覺智慧六者一切所有皆悉能捨乃至身命何況餘物七者行不可數有為諸行而心不取彼有為行八者不可數量施成忍進禪慧滿足波羅蜜行而不分別九者起如是心一切眾生我悉安置於佛法中今起菩提十者不取眾生不取菩提迦葉當知諸菩薩摩訶薩畢竟成就如是十法則便得入隱一切身菩薩三昧

此時長老摩訶迦葉白佛言世尊快說此語世尊乃能作如是說世尊聲聞緣覺不曾一心發如是意一切眾生我皆令其得阿羅漢尚不起心置諸眾生羅漢法中何況佛法佛言如是如是迦葉聲聞緣覺皆不能入隱一切身菩薩三昧此三昧名尚不能知何況能得云何能入若能入者元有是處

此時長老摩訶迦葉白佛言世尊我今欲見彼諸菩薩何以故如法正士難可見故佛言迦葉汝覓文殊師利童子則便得見彼諸菩薩彼起三昧汝乃見之復次迦葉汝已獲得一切三昧攝入三昧覓彼菩薩摩訶薩等為在何法專心修行今時長老摩訶迦葉世尊既聽以佛神力自神力故

善住意天子經卷上 第二十二 本 咒

即入二萬諸三昧門入已復起欲望得見彼諸菩薩在於何法專心修行而不能知非彼菩薩若來若去是故不知或非住處或何所依或何所作或何所說一切不見一切不知

余時長老摩訶迦葉白佛言世尊希有世尊甚奇善逝世尊我八二萬諸三昧門欲望得見彼諸菩薩在於何法專心修行而不能見菩薩如是尚不可見何況如來菩薩未得一切智處已得如是三昧法門菩薩摩訶薩未得一切智猶尚如是何況已得世尊其誰智慧若善男子若善女人若聞若見如此之事而不發於阿耨多羅三藐三菩提心者何人聞見而不發心如是世尊隱一切身菩薩三昧威神之力尚不可測何況復有其餘三昧佛言如是如是迦葉一切聲聞緣覺之人尚非境界況餘衆生

余時長老舍利弗作如是念佛說我於聲聞弟子智慧人中敢為第一若我覓彼菩薩摩訶薩在於何法專心修行應能見知余時長老舍利弗作

善住意天子經卷上 第二十三 本 咒

是念已以佛神力自神力故即入三萬諸三昧門入已復起欲望得見彼諸菩薩在於何法專心修行而不能見彼諸菩薩乃至少相

余時長老須菩提作如是念我應能見彼諸菩薩在於何法專心修行余時長老須菩提作是念已以佛神力自神力故即入四萬諸三昧門入已復起欲望得見彼諸菩薩在於何法專心修行而不能見非彼菩薩若來若去是故不知或非住處或在住處或經行處非是卧處非是坐處一切不見一切不知余時長老須菩提禮二足尊而作是言世尊如來說我阿蘭若行取為第一如是寂靜三昧法門我已得之如是世尊此四天下四洲世界我見明了如一鼓頭第二世界我見明了如二鼓頭世尊譬如有人生便振杖如須弥山我入三昧彼執杖人即住我前一劫打鼓不曾暫住更不異作隨彼打鼓如是我得余許三昧唯我究竟阿蘭若行若經一劫彼鼓音聲不著耳識何況能起如

善住意天子經卷上 第二十四 本 咒

是三昧若彼鼓聲能起三昧无有是處世尊彼如是法具足寂靜我如是法智慧具足四萬三昧入已復起欲望得見彼諸菩薩乃至一人而不能見亦復不能知其住處如是世尊菩薩摩訶薩知如是法寧為一衆生利益恒河沙劫生大地獄住地獄中如是世尊彼諸菩薩而不捨離彼如是法不可思議甚深智慧如是世尊若我漏心未解脫者於未來際常在生死更不捨離如是大乘余時世尊讚歎尊者須菩提言善哉善哉汝須菩提以心信故作如是說汝此受陰若不沮脤必得授記汝之善根作恒河沙轉輪王已然後必得阿耨多羅三藐三菩提覺

又須菩提三千大千世界衆生寧為多不須菩提言甚多世尊甚多善逝佛言如是須菩提彼諸衆生皆得智慧如須菩提如舍利弗諸大聲聞之所知見皆共和合乃至一劫若百千劫覓彼菩薩望得見者無力能見何以故非須菩提聲聞緣覺所知境界

彼諸菩薩摩訶薩行一切聲聞緣覺
不行說此法時會中八萬四千天人
一切皆發阿耨多羅三藐三菩提心
今時文殊師利童子作是思惟在他
處住无量菩薩億那由他百千之衆
我今普召令集此處今時文殊師利
童子既思惟已即時如法現神通行
現神通已化作八萬四千蓮華億那
由他百千眷屬大如車輪金葉銀葉
勝藏羅網毗瑠璃鬘彼蓮華中有化
菩薩於華臺上結跏趺坐金色之身
具三十二大人之相具足功德具足
妙色具足衆好具足光明時彼蓮華
至四王天三十三天夜摩兜率如是
化樂他化自在此化蓮華如是遍到
一切處去若千處處召此三千大千
世界百億須彌四天王天乃至遍召
色究竟天彼化蓮華遍至一切欲界
天子色界天子若干宮殿出聲普召
一切皆聞彼菩薩身遍至三千大千
世界說偈召曰

慧目大世尊 時乃出世間 佛如優曇華
如是甚難值 雄猛釋師子 出現此世間

依正法正說 盡一切苦惱 雖久食天味
恣心五欲樂 復隨惡行去 而於何處受
若干欲受食 而復更增長 有為行衆生
三界悉無樂 已得第一難 所謂佛出難
愚癡者我憐 不知非盡苦 汝等宜速去
見佛聞勝法 莫於佛滅後 心悔何所及
錯入魔王網 大怖畏之處 長夜癡者樂
何時得解脫 唯有聞正法 能生衆生福
速到三十二 大人相佛所 佛能救衆生
餘不可歸依 佛是世間主 大慈不思議
修行不可數 不可思議劫 集無上智慧
成佛釋師子 開示第一法 深寂難可見
何處無衆生 非命非丈夫 一切時常捨
永斷無有餘 除捨一切相 為衆生說法
何處開寶藏 世間無心行 以彼空無相
亦不願不作 無染無相貌 不生亦不出
不來亦不去 演說法明了 不生亦不盡
無少物可憶 無相貌可見 無思憶念說
無少衆生生 無少衆生死 無沮屈衆生
何處衆生出 說法如響聲 無響聲可取
人尊解字相 如是而說法 若何處不遍
不得風水火 地不是分別 智慧眼所說
色受想行識 如是等皆空 雖說五陰法

元物可聚積 眼耳鼻舌身 如意自相空
雖復說彼空 而空不可得 色聲香味觸
皆是意所樂 虛妄起此法 無自根本空
如是諸衆生 解佛所說法 欲得脫苦處
應到賢師所
彼化菩薩周遍三千大千世界說此
偈時九十六億欲界諸天色界天子
遠塵離垢得法眼淨十千天子是菩
薩乘修行之人一切皆得无生法忍
時彼菩薩所召天子不可數量阿僧
祇耶百千之衆一剎那頃一羅婆頃
摩睺多頃可住世尊釋迦牟尼如來
應正遍知往到佛所頭面礼足右遶
三匝住在一面以天華香優鉢羅華
鉢頭摩華拘物頭華芬陀利華曼陀
羅華摩訶曼陀羅華末香塗香用散
如來大身諸天上虛空中歌詠讚歎
彼時多有若干天人皆悉來至此四
天下遍滿世界無有空地如擲杖處
所有地處皆悉遍滿今時大身勝妙
天子此四天下世界之中雨華遍滿
積過於膝
今時善住意天子善寂天子慚愧持

善住意天子經卷上 第三十二 文 九

天子九十六億諸天子俱樂行一切菩薩之道皆共往詣文殊師利童子住處既往到已在於文殊師利童子住處寺外右遶七匝雨天易陀羅華如雨而下所雨之華遍覆虛空高十由旬成大華網臺形如浮圖有大光明遍照三千大千世界皆悉大明雨天易陀羅華於文殊師利童子寺所念時文殊師利童子如法思惟於此三千大千世界上虛空中華網遍覆華網光明遍照三千大千世界皆悉大明念時文殊師利童子從自寺出隨心所樂有妙寶座即坐其上念時善住意天子頭面敬禮文殊師利童子足下餘諸天子一切悉禮文殊師利童子足已念時文殊師利童子如是思惟何等人能與我相隨於世尊前問答論議或說何等不思議句難解句無處所句不戲論句無戲論句不可說句甚深句實句無障句不破壞句空句无相句無願句真如說句實際句法界句无相似句不取句不捨句佛句法句僧句得智

善住意天子經卷上 第三十三 文 八

慧滿足句三界平等句一切法無所得句一切法不生說句師子句健句无句句如是說已當有何等堪受法器能聽受者念時文殊師利童子如是思惟善住意天子已曾供養過去諸佛辯才無尋彼則堪能與我相隨於世尊前問答論議念時文殊師利童子如是念已語善住意天子言善住意天子汝得深忍无尋辯才可世尊前與我相隨問答論議於是善住意天子語文殊師利童子言文殊師利如是我說若彼於我不聽不讀不受不持不思不念不取不捨不覺不知不聞我說不為他說何以故佛道無字无心覺寤唯說名耳如此名者不可修行文殊師利今此地處所說法語此諸天子於仁者邊作意欲聽仁為說不文殊師利答言天子若有念言我聽法者我不為說欲得不取我不為說何以故有我可取可得言聽如是取眾生取命取丈夫如是取者可得言聽若使天子有我憍心取我我所若如是者彼說我聽如是取

善住意天子經卷上 第三十四 文 八

著而說法者有三障尋何者為三者得我二者得眾生三者得法天子當知若非我憍非我我所如是聽法有三圓淨心不分別无所怖望無所憶念彼何者法是三圓淨謂不得我心不分別無所怖望无所憶念不得法器心不分別無所怖望无所憶念無所得法心不分別无所怖望無所憶念天子當知若如是聽彼平等聽非不平等

時善住意天子讚言善哉善哉文殊師利云何名為不退轉耶惟願說之文殊師利言止止天子汝莫分別若使菩薩有退轉者菩提正覺非得菩提天子問言文殊師利何處退轉文殊師利答言天子貪欲退轉瞋恚退轉愚癡退轉有愛退轉无明退轉乃至十二有又退轉因退轉見道退轉名退轉色退轉欲界退轉色界退轉无色界退轉聲聞行退轉緣覺行退轉分別退轉取著退轉體退轉取體退轉斷退轉常退轉取退轉捨退轉我想退轉眾生想退轉命想退轉大

夫想退轉意思退轉障退轉顛倒退轉自身退轉自身見退轉自身振本六十二見退轉五蓋退轉五取陰退轉一切內外入退轉界退轉佛想退轉法想退轉僧想退轉我成佛我說法我度衆生我破魔王我得智慧有彼想退轉不分別十力不分別十八不共佛法不分別根無畏不分別想不分別佛世界莊嚴不分別聲聞功德一切分別退轉如是天子若菩薩此處退轉彼不退轉

說无何以故若有若無而退轉者彼則有過何以故若有法退轉則墮常邊若無法退轉則墮斷邊如來說法非斷非常不斷不常是佛所說天子若彼真如前不實想不如實知則不斷不常如是天子菩薩退轉說此法時十千天子一切皆得无生法忍

尔時善住意天子語文殊師利童子言文殊師利今共仁者到如來所見於如來見如來已札拜讚歎供養恭敬如法問難文殊師利答言天子汝莫分別取如來行天子問言文殊師利如來何處文殊師利答言天子即此前頭有如來住天子問言若有如來我何不見文殊師利答言天子若汝一切見則見彼如來天子問言文殊師利仁者云何作如是說即此前頭有如來住文殊師利問言天子於意云何今於汝前有何物耶天子答言有虛空界文殊師利言如是如來者即是虛空界何以故以虛空界於一切法悉平等故如是虛空即是如來如是如來即是虛空虛空如來不

二不異如是天子欲見如來當如是觀如實際知非有少物可分別取

聖善住意天子所問經卷上
戊戌歲高麗國大藏都監奉
勅彫造

聖善住意天子所問經卷中

九觀三藏目智仙共般若流支譯

衣

余時文殊師利童子隨心化作三十
二殿四涌四柱廣正等種種嚴飾
甚可愛樂於彼殿中有化床座以天
寶物而覆其上——一床座有化菩薩
與三十二大人之相余時文殊師利
童子以威神力令此蓮華遍行三千
大千世界往如來所圓遶世尊及比
丘僧滿三匝已住虛空中光明遍滿
世尊舉會四方圓遶余時蓮華中
菩薩并化殿上諸化菩薩彼諸菩薩
同聲以偈讚如來曰
於恒河沙等 不思議佛所 供養多億佛
熾然勤精進 如是久修行 第一菩薩行
彼甚可喜慶 一切人之上 光明色勝妙
三界最第一 離相牟尼尊 說法令人聽
何處無有人 无命無丈夫 世尊如是知
一切人之主 行布施持戒 是第二律師
忍辱勤精進 如摩定忍量 具足深般若
三界不著尊 善知彼岸道 是故我歸依
若憶念知有 世間人之主 法主之世尊

天人來供養 於甚深空法 究竟無有餘
當知如是人 世界之尊主 過去諸如來
有方廣人主 常說人空法 無物本无相
此處無眾生 若生若死滅 不來亦不去
一切法相空 化人空中眠 非是真實見
是法善逝說 如化亦如夢 恒沙世界實
有施与何人 此福感有為 空忍勝於是
劫際如恒沙 供養人中尊 奉香華飲食
為得佛菩提 若聞如是法 無人命丈夫
得彼忍光明 供養如來上 多劫行布施
飲食象馬等 彼非解脫因 以有人想故
彼寂靜人上 令多眾解脫 空性本光明
知解脫莊嚴 佛出世難值 聞法生信難
生世為人難 善哉入佛法 已離於八難
復得於難得 得信善逝法 善思惟得見
常專心聽法 莫如聲取義 恒宿阿蘭若
必得人中雄 近善友法器 遠離惡知識
等心於眾生 莫欺於菩薩 持戒樂多聞
善攝衣乞食 近樹下精進 隨得食而食
有為皆无常 一相如陽炎 一際知真諦
速得菩提覺 五陰如幻化 內外入空聚
常說如是法 彼處無造作 貪瞋本空無
癡慢分別起 非已今當有 如是知得佛

說此偈時於眾會中二萬二千人皆
發阿耨多羅三藐三菩提心五百比
丘不受諸法漏盡心得解脫三百比
丘尼遠塵離垢得法眼淨七千優婆
塞優婆夷二萬七千天子得離垢法
眼三百菩薩得無生法忍於此三千
大千世界六種震動動遍動等遍動
震遍震等遍震
余時長老舍利弗白佛言世尊是誰
威力令此三千大千世界六種震動
此蓮花中殿中菩薩善說如是甚深
之法放大光明遍照此會如是無量
多億天子皆悉來集如是無量多億
菩薩皆悉來集佛言舍利弗此是文
殊師利童子威神力故得見如是妙
色莊嚴何以故舍利弗文殊師利童
子與善住意天子今日相隨請問如
來破壞魔軍三昧法門如法問難不
可思議甚深佛法尊者舍利弗言不
世尊文殊師利童子未來此會我不
曾見佛言舍利弗汝善諦觀如是文
殊師利童子今在此處與一切魔一
切魔眾一切魔官作大衰憂極太莊

嚴來至我所

法華經卷第十

第五

三

六

余時文殊師利童子入壞魔軍三昧法門文殊師利入壞魔軍三昧門時若三千大千世界百億魔宮毀壞欲壞陳朽闇冥無有威光一切魔身皆悉衰變極成老弊各自知見拄杖而去魔之眷屬亦復如是見已宮殿毀壞欲壞陳朽闇冥無有威光余時眾魔皆生怖畏驚恐毛豎心生疑慮作如是念以何因緣我此宮殿毀壞欲壞如是陳朽如是闇冥无有威光莫令我身退失此處時彼眾魔生如是心未久之間余時文殊師利童子即復化作百億天子在於魔前彼化天子語魔波旬作如是言汝莫怖畏非汝有惡非汝有衰非汝欲退今有童子菩薩摩訶薩名文殊師利得不退轉彼今住在破壞魔軍三昧法門是彼菩薩威力所作彼化天子說如是語時魔既聞文殊師利童子名已轉更恐怖一切魔宮皆悉戰動時魔波旬語化天子作如是言願君救我願君救我時化天子語魔波旬作如

是言勿怖

法華經卷第十

第五

六

七

如來佛所如來大悲於怖畏者能施無畏彼化天子如是說已即於其處忽然不現時魔波旬一切眷屬於一念頃一羅婆頂摩睺多頂百億波旬無量眷屬如老極老拄杖而去何處如來應正遍知往到佛所一切同聲而白佛言救我世尊救我世尊救我善逝救我善逝惟願世尊救我救我惟願善逝救我救我我本妙色今者如是衰變不好者世尊我寧聞說億百千佛如來名号而不用聞文殊師利童子一名何以故以我聞此文殊師利童子名字生大怖畏驚恐危故畏退失故我今如是恐畏退失余時世尊語魔波旬作如是言汝今云何如是說耶億百千佛如來名号不作一切眾生利益不曾已作今亦不作當亦不作如是文殊師利童子常作一切眾生利益已作今作當作利益眾生熟已令得解脫汝今雖聞億百千佛如來名号不生苦惱不生怖畏云何而言文殊師利一童子名我

不用聞余時魔波旬

法華經卷第十

第五

六

七

甚耻愧如是身老我甚怖畏世尊我憶本身我憶本色願還如本少身少色佛言波旬且住且住且待須臾文殊師利童子菩薩當來至此汝此色者非是真色宜可除捨余時文殊師利童子起彼三昧無量百千諸天導從無量百千諸大菩薩諸龍夜叉乾闥婆阿修羅迦樓羅緊那羅摩睺羅伽百千音樂皆出妙聲優鉢羅花鉢頭摩花拘物頭花芬陀利花如雨而下極大莊嚴娛樂戲樂來至佛所頭面礼足右遶三匝却住一面余時世尊告彼童子文殊師利作如是言文殊師利汝入破壞一切魔軍三昧門耶文殊師利答如來言入已世尊余時世尊問童子言文殊師利於何佛所得是三昧聞此三昧其已久如文殊師利童子答言世尊未發菩提心時我從彼佛得聞如是三昧法門我此三昧如是成已世尊問言文殊師利彼佛如來名字何等說是

三昧汝從彼佛得聞如是三昧法門
文殊師利答言世尊乃往過去無量
無邊不可思議阿僧祇耶阿僧祇劫
有佛出世号曷陀羅婆花香如來應
正遍知明行足善逝世間解無上士
調御丈夫天人師佛世尊彼說如是
三昧法門我從彼佛得聞如是破壞
魔軍三昧法門世尊問言文殊師利
此三昧門云何而得文殊師利答言
世尊有二十法若菩薩摩訶薩畢竟
成就彼二十法得此三昧能壞魔軍
何等二十

世尊所謂菩薩破壞貪欲破壞貪心
破壞瞋恚破壞瞋心破壞愚癡破壞
癡心破壞嫉妬破壞嫉心破壞憍慢
破壞憍慢心破壞垢惡破壞垢心破壞
熱惱破壞熱心破壞想念破壞想心破
壞見著破壞見心破壞分別破壞分別
心破壞執著破壞執心破壞執著破壞
執心破壞取相破壞相心破壞有法
破壞有心破壞常法破壞常心破壞
斷法破壞斷心破壞陰法破壞陰心
破壞界法破壞界心破壞入法破壞

入心破壞三界破壞三界心如是二十
菩薩若能畢竟成就此二十法得此
三昧

復次世尊有四種法若菩薩摩訶
薩畢竟成就彼四種法得此三昧何
等為四一者清淨心二者不誑曲心
三者深心四者一切施與如是四法
菩薩若能畢竟成就此四種法得此
三昧復有四法若菩薩摩訶薩畢竟
成就彼四種法得此三昧何等為四
一者不違於信二者畢竟實語三者
隨順想行四者不取一切法是為四
法復有四法若菩薩摩訶薩畢竟成
就彼四種法得此三昧何等為四一
者親近善知識二者正念思惟三者
如法修行四者不與惡人相隨是為
四法復有四法若菩薩摩訶薩畢竟
成就彼四種法得此三昧何等為四
謂不毀戒不穿漏戒不依止戒不濁
戒等是為四法復有四法若菩薩摩
訶薩畢竟成就彼四種法得此三昧
何等為四一者捨聲聞心二者不受
辟支佛心三者堪忍住持四者不捨

衆生是為四法復有四法若菩薩摩
訶薩畢竟成就彼四種法得此三昧
何等為四一者修習空法不取丈夫
二者修習無相不取於相三者修習
無願不取願心四者心不貪著一切
能捨是為四法世尊菩薩摩訶薩畢
竟成就如是法門是故得此破壞魔
軍三昧法門如是世尊彼曷陀羅婆
華香如來說此三昧門我從彼佛得
聞如是三昧門已復有如來号一切
珠寶電藏日月光如來應正遍知我
於彼佛聞此三昧具足成就彼佛說
此三昧門時彼衆會中十千菩薩皆
得成就此三昧門

余時長老舍利弗白佛言世尊希有
世尊今此童子文殊師利乃能善得
此三昧門既成就此三昧門已令魔
波旬得此衰變余時世尊即告尊者
舍利弗言於意云何汝舍利弗見此
三千大千世界魔波旬如是變者勿
作是見何以故舍利弗如是十方恒
河沙等諸佛世界彼魔波旬一切皆
悉如是衰變是文殊師利童子咸

普賢菩薩摩訶薩 第十卷

次

力所作余時世尊如是說已復告文殊師利童子作如是言文殊師利止汝神力所入三昧令魔波旬還復前色如本具足余時文殊師利童子即止神力時魔波旬一切前色皆悉還復如本具足

余時文殊師利童子問魔波旬作如是言魔波旬何處波旬眼何處眼想何處眼著何處眼相何處眼攀緣何處眼障導何處眼憶念何處眼我何處眼依止何處眼喜樂何處眼戲論何處眼我所何處眼護何處眼修何處眼取何處眼捨何處眼分別何處眼思量何處眼決定何處眼滅何處眼生何處眼執何處眼來如是等法是汝境界魔業妨導如是至意應如是知色乃至法應如是知何處波旬非眼非眼想非眼著非眼相非眼攀緣非眼障導非眼憶念非眼我非眼依止非眼喜樂非眼戲論非眼我所非眼護非眼修非眼取非眼捨非眼分別非眼思量非眼決定非眼滅非眼生非眼執非眼來如是等法非汝

卷二之三

第十卷

次

境界汝於其中無主无力無自在非自在取如是至意應如是知色乃至法應如是知余時文殊師利童子如如法說彼魔衆中十千魔衆發阿耨多羅三藐三菩提心魔之眷屬八万四千遠塵離垢得法眼淨

余時長老摩訶迦葉白佛言世尊我欲得見文殊師利童子并彼菩薩摩訶薩何以故世尊如是善人難可得見余時世尊語文殊師利童子言文殊師利汝現十方諸來菩薩摩訶薩身此會大衆渴仰欲見余時文殊師利童子語諸菩薩名法菩薩布有日光菩薩魔杖菩薩妙音菩薩定惡菩薩寂治菩薩勝治菩薩法王乳菩薩語如是等無量菩薩摩訶薩言各各現汝童子本身如汝各各自佛世界諸菩薩身文殊師利如是說已余時彼諸菩薩等起彼三昧起三昧已各亦本身一切皆見彼大衆中有菩薩身等須弥山有菩薩身八万由旬有菩薩身百千由旬有菩薩身九十八十七十六十五十四十三十二二十十

普賢菩薩摩訶薩 第十卷

次

次

千由旬復有菩薩摩訶薩身一千由旬有菩薩身五百由旬有菩薩身一百由旬有菩薩身五十由旬四十由旬三十由旬二十由旬十由旬者有五由旬至一由旬復有菩薩摩訶薩身如此娑婆世界衆生三肘半身自有菩薩示如是身當余之時此處三千大千世界無有空地如擲杖處一切悉遍勝菩薩摩訶薩集彼諸菩薩摩訶薩等放大光明遍照十方億千諸佛如來世界

余時文殊師利童子從座而起整服左肩右膝著地攝身圓坐向佛合掌白言世尊我問如來應正遍知一面方處如是世尊我於今者欲少問難願為解說佛言文殊師利如來應正遍知恣汝所問文殊師利隨意問難我能解說令汝心喜余時文殊師利童子一切衆會至心靜聽文殊師利言世尊所言菩薩摩訶薩者為何謂耶以何義故得言菩薩摩訶薩乎佛告文殊師利童子作如是言文殊師利所言菩薩摩訶薩者一切法覺得

無我行名空遠離覺

復次文殊師利所言菩薩摩訶薩者

言菩薩摩訶薩也。文殊師利一切法者言諸所說彼菩薩覺。文殊師利如此菩薩眼覺耳覺鼻覺舌覺身覺意覺。文殊師利如此菩薩何者眼覺何者耳覺舌身意覺。文殊師利如此菩薩眼本性空覺非有我覺分別耳鼻舌身意等本性空覺非有我覺分別色聲香味觸法本性空覺非有我覺。復次文殊師利所言菩薩摩訶薩者五取陰覺何等法覺。所謂空覺無相覺。無願覺。無染覺。寂靜覺。遠離覺。無物覺。無體覺。不動覺。不生覺。不未覺。不去覺。無有覺。无主覺。無記覺。无知覺。無見覺。无人知覺。無戲論覺。无我覺。分別起覺。無分別起覺。因緣生覺。如幻覺。如夢覺。如燭覺。如響覺。如芭蕉堅覺。不久堅覺。無物空覺。

復次文殊師利所言菩薩摩訶薩者貪瞋癡覺。云何而覺。從分別起貪瞋癡覺。彼分別空。非有無體。非戲論。非記覺。

復次文殊師利所言菩薩摩訶薩者欲界覺。色界無色界覺。云何而覺。

復次文殊師利所言菩薩摩訶薩者一切眾生覺。云何而覺。一切眾生唯空有名。不離彼名。更有眾生。一切眾生即一眾生。彼眾生者。非是眾生。若如是知。不分別者。得言菩薩摩訶薩也。菩薩何等。一切法覺。彼覺菩提。得言菩薩覺。眼耳空。心不分別。我如是覺。是覺得言菩薩智慧覺。身覺。意。本空。覺。已而說得言菩薩覺。色聲香味觸意樂。一切皆空。得言菩薩覺。色想受行。本性空。覺識。如幻。得言菩薩五陰如夢。一相無相。不取我。覺得言菩薩內法。不生不戲論。覺有為名。說彼名無物覺。貪欲。志分別。心生。彼不分別。常空。无物。癡分別。生分別。因生。因見而生。不得彼見。覺三界空。一切無主。

非少物行。得言菩薩未過欲界分別中起色。無色界。一切无主。少行。眾生點慧。皆覺如是。欲行。瞋行。癡行。一切眾生。即一眾生。彼眾生。無覺。法。无念。一切法。生。顛倒。心。覺。不實。相。一切智慧。於中生。善。乃無一聲。可憶。可樂。无障。尋相。隨行。而行。菩薩如是。得言菩薩捨自身。肉。無所依止。次第覺。知得言菩薩得彼岸。戒。无念。佛。戒。若物不生。則不和合。普慈。眾生。眾生。不取覺。已。利益。故。說。大慈。住。精進。處。思。有為。行。覺。世間。空。是。菩提。上。禪。有。依止。非。點慧。禪。無。處。攀。緣。是。點慧。禪。修。般若。刀。割。煩。惱。見。觀。察。法。性。非。壞。非。割。今。時。文殊師利童子。白。佛。言。世尊。菩薩初發菩提心者。云何。說。言。初發心。耶。以何義。故名。初發心。佛。言。文殊師利。何等菩薩。正觀。三界。一切。想。生。如是。得言。初發心者。文殊師利。言。世尊。如我。解。佛。所。說。義。者。貪。生。瞋。生。愚。癡。心生。得言。菩薩初發心者。善。住。意。天子。語。文殊師利。童子。言。文殊師利。若使。菩薩。初發心。時。有。貪。欲。愚。癡。生。

小信書子經卷下

第七

法

是言生無物行句

如是言生不可說

句

皆生天子如是法門

如是應知天子

若於此法不取無喜樂

無取法如

者毛道凡夫皆有初心應名菩薩何

以故以取貪患癡生故文殊師利

言不介天子毛道凡夫貪欲患癡無

力能生何以故天子諸佛如來緣覺

聲聞不退菩薩貪患癡生天子問言

文殊師利以何意故如是說耶如是

衆會不解仁者如是言語皆生疑心

云何云何文殊師利問言天子於意

云何於虛空中鳥行動去彼鳥跡相

得言有行不得言行天子言行文殊

師利言如是天子如說彼相如是言

語我如是說諸佛如來緣覺聲聞不

退菩薩貪患癡生天子當知隨於何

處无依止生無處可取彼如是生於

何處所無差別生天子於何處所无

所依止無處可取无差別生不平等

生無跡无句不得言跡不得言句如

是言生不分別句如是言生不他生

句如是言生無物體句如是言生无

物說句如是言生以不來句如是言生以

不去句如是言生以不生句如是言生無

受持句如是言生以無記句如是言

生以微塵句如是言生无憶念句如

是言生無物行句如是言生不可說

句如是言生不破壞句如是言生以

无字句如是言生以不執句如是言

生無阿梨耶句如是言生以不取句

如是言生以不上句如是言生天子

當知初心菩薩發菩提心於如是法

不憶念不觀察不思量不起不見不

聞不知不取不捨不生不滅如是天

子菩薩摩訶薩依止何等此法界此

平等此實際此方便貪生瞋生愚癡

心生眼依止生如是乃至意依止生

色無處取生如是至識无處取生名

生色生因生一切見行生無明生有

愛生乃至十二分因緣流轉生五欲

功德生三界處生我我所生自身生

自身見生自身根本六十二見生佛

想法想僧想生我想他我想生地想水想

火想風想空想識想生四顛倒生五

蓋生四識住八邪九惱十不善業道

生天子當知如是乃至一切分別一

切不分別一切分別不分別一切想

一切戲論一切求一切取著一切喜

樂一切想一切憶念一切障尋菩薩

皆生天子如是法門如是應知天子

若於此法不取無喜樂无處取法如

是言生今時世尊讚歎文殊師利童

子作如是言善哉善哉文殊師利如

是菩薩何處初發菩提之心文殊師

利汝已供養恒河沙等諸佛世尊能

如是說

今時尊者舍利弗白佛言世尊如是

世尊如此文殊師利童子已說菩薩

初發菩提心與得無生法忍此二心

生平等无異佛言如是舍利弗如汝

所說舍利弗燃燈如來授我記言汝

於來世阿僧祇劫當得作佛号釋迦

牟尼如來應正遍知舍利弗我於今

時不捨此心得无生法忍如是舍利

弗此初發心菩薩如文殊師利童子

所說

今時文殊師利童子白佛言世尊如

我解佛所說義者一切菩薩皆初發

心何以故如世尊說一切心生皆是

不生若不生者則彼菩薩發心生

如是言生說此法時二万三千菩薩

沮無生法忍五千比丘不三諸法漏

盡心得解脫六十億天子遠塵離垢
於諸法中得法眼淨

尔時長老摩訶迦葉白佛言世尊文殊師利童子能作難作文殊師利童子說法如是能作衆生利益文殊師利言長老迦葉此乃非我能作難作一切諸法皆悉不作無有已作无有今作無有當作長老迦葉我亦如是非有法作亦非有作亦非不作非有衆生非縛非解何以故無物可取乃是正法若大迦葉作如是說能作難作汝莫說我能作難作非我難作非如來作非阿羅漢非辟支佛長老迦葉正說何人能作難作毛道凡夫是正說說何以故長老迦葉若一切佛皆不已得今得當得若一切聲聞一切緣覺皆不已得今得當得毛道凡夫一切皆得大迦葉言文殊師利一切諸佛不得何法文殊師利言長老迦葉一切諸佛皆不得我不得衆生不得壽命不得丈夫亦不得斷亦不得常亦不得陰亦不得界亦不得入亦不得心亦不得色不

得欲界不得色界不得無色界不得分別不得无分別不得因生不得顛倒不得貪瞋癡不得此世不得彼世亦不得我不得我所乃至不得一切諸法長老迦葉非一切法悉皆不得不失不脫不捨不捨不遠如是法門摩訶迦葉應如是知若一切佛悉皆不得毛道凡夫一切皆得如是難作若非佛作非聲聞作非緣覺作則是毛道凡夫人作大迦葉言云何作耶文殊師利言斷作常作阿梨耶作憶念欲作不作耶捨戲論分別隨順舉下長老迦葉諸佛世尊不作此法皆不已作今作當作彼凡夫作如是難作

尔時文殊師利童子白佛言世尊言無生忍无生忍云何而說無生忍耶世尊以何義故言無生忍何法中忍得云法忍菩薩何法得无生法忍佛言文殊師利實無有人生中法中得無生忍實无得忍言得忍有言語何以故實無所得彼忍法故不得法忍得无所得不得不失如是得

言得無生忍文殊師利无生法忍者不生一切法忍不來一切法忍不去一切法忍無主一切法忍不取一切法忍不捨一切法忍无物一切法忍無體實一切法忍无等一切法忍無等等一切法忍无相似一切法忍無虛空相似一切法忍不壞一切法忍不斷一切法忍無煩惱染一切法忍無淨一切法忍空无相無願一切法忍離貪恚癡一切法忍真如法界實際安置一切法忍不分无分別無憶念无戲論無思量不作無力羸劣後時無物空透无空太虛空如幻如化如響如影如焰如芭蕉堅如水泡沫一切法忍此法忍者非法非非法唯有名說如是名者無處无取本性自離如是言忍心信解入不憶不疑不驚不怖不畏身觸正受行而不得身文殊師利此法如是得言菩薩無生法忍又亦不行一切法相文殊師利童子言世尊所言忍云何言忍若不為彼境界所傷彼得言忍尔時善住意天子問文殊師利童子

善住天子經卷中 第三疏 本

言文殊師利傷何等法文殊師利答言天子所謂傷眼何法傷眼所謂法者愛不受色如是耳聲鼻舌香味身觸意法如是天子愛不受法傷意亦余天子若菩薩眼見色不取相不取好不分別無分別不隨順不分別相知本性空不念不傷色乃至法應如是知天子若六入不著不傷若不傷不著彼得言忍菩薩如是得無生法忍不分別法若生不生无漏不漏不分別法若好若惡有為無為若不分別如是得言不生法忍說此法時六万二千人發阿耨多羅三藐三菩提心万二千菩薩得无生法忍

善住天子經卷中 第三疏 本

是乃至十地轉行天子答言文殊師利化人不得地轉行乃至不有十地轉行文殊師利言如是天子若幻化人有轉行者彼我轉行何以故如佛所說一切諸法皆如幻故是故天子如是我說地轉行者不轉行說非是轉行何以故以一切法不轉行故非謂法中法法轉行非色受轉行非受色轉行非想轉行非行想轉行非識色轉行非色識轉行如是乃至一切諸法皆如是皆四種說非眼耳轉行非耳眼轉行非鼻舌轉行非舌鼻轉行非身意轉行非意身轉行此一切法各各自行自分境界法此無欲无心意行不思不念乃至無有計校籌量如草如壁如幻無記非有記作一相無相以是義故彼非轉行非來非去天子當知若菩薩能如是知如是菩薩無法轉行非地分別非地轉行見非是地捨非是退轉菩提轉行非是失滅何以故若人見有陰界入體非彼轉行非是失滅以一切法性本淨故復次天子菩薩如是地

善住天子經卷中 第三疏 本

轉行者譬如幻師以幻力作十重宮殿彼自作已即自坐上於意云何如是彼人有坐處不天子答言无處坐也文殊師利言如是天子菩薩十地見有轉行亦復如是

余時善住意天子問文殊師利童子言文殊師利若有人來依投仁者欲求出家而作是言唯願度我令得出家文殊師利云何為說云何作法度令出家云何授戒云何戒品云何教誡文殊師利答言天子若至我所求出家者我為說言汝善男子今者實有出家心不汝若實有出家心者我當依法度汝出家何以故天子若出家者或者欲界或者色界或者无色界或者世間五欲功德九處中行此善男子如是取法何者九處天子若無少處著彼人心無所得若心无所得彼人不求出家若不求出家彼人出家心不生若出家心不生彼人得言不生若不生者彼則苦盡若苦盡者彼畢竟盡若畢竟盡彼無所盡若无所盡彼則不盡若不盡者彼則是空

善住天子問經 第五卷 四

天子彼善男子我如是說

復次天子若至我所求出家者我為說言善男子汝今莫生出家之心何以故彼心不可為他所生勿保此心復次天子若至我所求出家者我為說言善男子汝莫除疑是善出家者如是者得言出家天子問言文殊師利以何意故如是說耶文殊師利答言天子如來說法不斷不壞天子問言何法不壞文殊師利答言天子色不斷不壞受想行識不斷不壞天子隨何等入有如是念我除疑者彼住我憐非我憐行平等見人如是得我彼則得驗若得驗者則得衆生若得衆生則得斷想天子若不得我則不得他若不得他則無我憐若無我憐彼我寂滅若我寂滅彼無分別若無分別則不發動若不發動則不戲論若不戲論則不取捨若不取捨不捨彼則非作亦非不作非斷非壞非有相著非不相著不趣不捨不減不增不聚不散無心憶念不說不答彼實安住天子問言文殊師利所言實者

善住天子問經 第五卷 五

提無濁天子問言文殊師利何法是濁文殊師利答言天子貪欲是濁瞋

是何言語文殊師利答言天子實者虛空得言其實非是空盡不盡不長或有或無是故得言虛空為實性空是實真如是實法界是實實際是實若是實者得言不實何以故非今實有非後時有是故彼實復次天子若至我所求出家者我為說言汝善男子不取袈裟不著袈裟是汝出家者如是者得言出家天子問言文殊師利以何意故如是說耶文殊師利答言天子如來說法皆悉不取天子問言文殊師利不取何法文殊師利答言天子謂不取色若常無常如是不取受想行識若常無常亦不取眼若常無常不取色不取耳不取聲不取鼻不取香不取舌不取味不取身不取觸不取意不取法不取貪不取瞋不取癡不取顛倒如是乃至一切諸法皆悉不取天子一切諸法不取不捨不離不散天子若取袈裟是愚癡念如是彼人如是見行天子是故我說非取袈裟是淨解脫何以故天子袈裟是濁如來世尊善

提無濁天子問言文殊師利何法是濁文殊師利答言天子貪欲是濁瞋恚是濁愚癡是濁因濁見濁名濁色濁想濁取濁相濁戲論濁天子若正觀察此不善法皆悉無濁若無濁者乃至無有少物住處若無住處得言空處無棄作者天子問言文殊師利言無棄作無棄作者是何言語而得說言無棄作耶文殊師利答言天子言無棄作無棄作者如此言語乃至無有少物棄作如是得言無有棄作天子若有棄作彼如來說無有棄作如是得言無有棄作天子問言文殊師利未知何法是棄作耶文殊師利答言天子過於平等過平等已若法不得非今時得非後時得非今有生非當有生彼法虛妄安住棄作所謂我者分別棄作衆生者命者丈夫者人者摩那婆者斷者常者分別棄作陰界入等分別棄作佛法衆僧分別棄作此持戒人此破戒人分別棄作煩惱染淨獲得果證分別棄作須陀洹果斯陀含果阿那含果阿羅漢

法辟支佛法善住意天子經中分別兼作空无相善住意天子經中無願

明解脫無欲分別兼作天子此如是

法分別兼作毛道凡夫未曾聞如來

分別兼作心欲得法妄想計著彼癡

凡夫分別分別轉彼妄想著欲得除

滅如來讚說無有兼作

尔時善住意天子讚文殊師利童子

言善哉善哉文殊師利善說如是兼

作法門尔時如來讚歎文殊師利童

子作如是言善哉善哉文殊師利快

說此法

聖善住意天子所問經卷中

已亥歲高麗國大藏都監奉

勅彫造

法辟支佛法分別兼作空无相無願明解脫無欲分別兼作天子此如是法分別兼作毛道凡夫未曾聞如來分別兼作心欲得法妄想計著彼癡凡夫分別分別轉彼妄想著欲得除滅如來讚說無有兼作尔時善住意天子讚文殊師利童子言善哉善哉文殊師利善說如是兼作法門尔時如來讚歎文殊師利童子作如是言善哉善哉文殊師利快說此法

法辟支佛法分別兼作空无相無願明解脫無欲分別兼作天子此如是法分別兼作毛道凡夫未曾聞如來分別兼作心欲得法妄想計著彼癡凡夫分別分別轉彼妄想著欲得除滅如來讚說無有兼作尔時善住意天子讚文殊師利童子言善哉善哉文殊師利善說如是兼作法門尔時如來讚歎文殊師利童子作如是言善哉善哉文殊師利快說此法

法辟支佛法分別兼作空无相無願明解脫無欲分別兼作天子此如是法分別兼作毛道凡夫未曾聞如來分別兼作心欲得法妄想計著彼癡凡夫分別分別轉彼妄想著欲得除滅如來讚說無有兼作尔時善住意天子讚文殊師利童子言善哉善哉文殊師利善說如是兼作法門尔時如來讚歎文殊師利童子作如是言善哉善哉文殊師利快說此法

聖善住意天子所問經卷下

宋

九經三藏目智仙共聲流支譯

余時文殊師利童子復語善住意天子言天子若至我所求出家者我為說言汝善男子若不受戒是汝出家若如是者得言出家天子問言文殊師利以何意故如是說耶文殊師利答言天子如佛所說二種受戒何者是二謂等受戒不等受戒何者名為不等受戒謂不等受何者不等受謂着我墮著衆生墮著壽命墮著丈夫墮著斷常墮著邪見墮著貪瞋癡墮著欲界墮著色無色界憶念取墮如是天子乃至一切不善法墮惡知識墮不知出法取一切法天子當知如是名為不等受戒天子何者名為平等受戒謂平等墮何者平等謂空平等無相平等元願平等天子若如是證三解脫門如實而入則不分別無所分別則不退轉天子如是名為平等受戒復次天子若修貪欲瞋恚愚癡若修自身自身根本六十二見若修顛倒

○聖善住意天子所問經

若修三惡身口意行八邪九惱十不善業道如是得言正受戒也天子譬如一切種子皆依地生藥草樹林依地生長平等具足得言具足如是天子此佛法中若正受戒得言受戒天子譬如一切種子藥草樹林依大地住如是天子正戒具足何以故以住戒故法和合有如彼種子藥草樹林具足生長如是得言平等具足天子戒依信住如是一切菩提分法以依戒故生長具足天子如是過去未來現在諸佛世尊一切聲聞以正受戒是故證得三解脫門一切戲論皆悉斷滅天子當知如是受戒是正受戒非不平等

復次天子我與彼人如是出家如是受戒汝善男子當如是學莫憶念取我如是學是汝出家天子問言文殊師利以何意故如是說耶文殊師利答言天子一切諸法皆悉不取天子汝若取戒三界亦取天子於意云何何者彼學天子答言謂波羅提木叉具足文殊師利問言天子云何波羅提木叉具足天子答言具足名得言身具足言口具足意具足者如是得言有波羅提木叉具足文殊師利問言天子於意云何何處身口意業不作不曾已作今作當作有何相似可得說言似若青若黃若白若赤若頗梨色若言無也文殊師利問言天子云何得說天子答言非是有為如是而說若非有為彼不能說身口意業文殊師利問言天子於意云何若非有為彼可取不天子答言文殊師利不可取也文殊師利言天子我意在此故如是說莫憶念取我如是學天子若勝戒學若勝心學若勝慧學彼學如際如是應知戒无所得是勝戒學心無所得是勝心學慧无所得是勝慧學不分別心不憶念心不生勝心是勝心學戒學慧學應如是知天子若心无所得則戒不憶念若戒不憶念則三昧無所得若三昧無所得則慧无所得若慧無所得則一切疑不有若一切疑不有則學不取若學不取如是得言彼學憶念若學憶念彼

阿那舍若阿那舍彼則清淨若清淨者彼不和合若不和合彼則不漏若不漏者彼則正行若如是行無色相似若無色相似彼是虛空何以故似彼虛空無形色故天子若如是學彼則不學若不學者彼得言學於何處學彼無處學若無處學如是得言正學而住
於是文殊師利童子復語善住意天子言天子我為彼人如出家法如受戒法如是為說汝善男子一切三千大千世界信心檀越與汝飲食汝心不念不生分別此食難消此則能消若如是者汝是淨戒天子問言文殊師利以何意故如是說耶文殊師利答言天子若取施者受者財物如是分別得言我淨若取者賞者淨若有所得彼人有淨若心憶念彼人有淨若心分別彼人有淨天子若更不取不賞不淨若無所得若無憶念若不分別彼云何淨何以故畢竟淨故天子若取者賞者有所得憶念分別得淨信食則是凡夫非阿羅漢何以故

凡夫取賞心有所得憶念分別取我分別此人與我如是分別彼得言淨云何名淨凡夫人行取三有生彼如是淨天子阿羅漢者更無少物有異身行不取異身更不轉生何處有淨汝取彼施取三圓淨天子當知何者名為三圓淨耶所謂不得施者受者及以財物是三圓淨若如是淨彼不復淨天子我意在此故如是說若一切三千大千世界信心檀越施汝飲食不憶念淨彼世界中得言福田彼善出家
余時文殊師利童子復語善住意天子言天子我於彼人如出家法如受戒法如是為說汝善男子不宿阿蘭若不住聚落不近聚落不遠聚落不住獨處不乞食行不請食食不糞掃衣不長者家取鉢三衣不露地坐不少欲不知足非常知足不遠難行不樹下住不房中宿不殘宿食不食蘇蜜若汝善男子如是一切頭陀功德聚集能行如是等法不憶念行何以故此憍心人如是相行天子

若如是念我糞掃衣我乞食行我樹下坐我惠殘食我惠少欲我惠知足我宿阿蘭若我露地坐我能頭陀我為他說天子當知非正行法如是法生何以故如此無分別彼人尚不得我何況頭陀功德而有所得若有所得無有是處如是天子若此頭陀功德和合修行心不憶念心不分別我說彼人能說頭陀何以故天子若比丘抖擻貪欲抖擻瞋恚抖擻愚癡抖擻三界抖擻內外六入我說彼人能說抖擻如是抖擻若不取不捨不修不著非是不著我說彼人能說頭陀復次天子如是我為彼出家人如是受戒如是說言汝善男子若如是知非知四諦非修四念處非修四正勤非修四如意神足非修五根非修五力非修七覺分非修八聖道分非修三十七菩提分法非證三解脱門何以故天子如是得言知不生相不修不證何以故非是不生能證念處天子云何而言不是憶念不正觀察一切諸法得言念處天子若比丘不住

欲界不住色界不住無色界如是比丘得言無住修四念處云何而修如是不修既不自修不令他修若如是修得言修者如是次第乃至三十七菩提分法應如是知天子何等比丘坐禪禪師於一切法悉無所得彼無憶念若不憶念彼則不修若不修者彼則不證天子以何因緣唯有名說謂三十七菩提分法彼名無物意意因緣而生此名一相无相如是而說或說或不說皆如是名諸有識知皆無所得此實知見若有識知此三十七菩提分法皆無所得

天子問言文殊師利言禪師者何等比丘得言禪師文殊師利答言天子此禪師者於一切法一行思量所謂不生若如是知得言禪師乃至無有少法可取得言禪師不取何法所謂不取此世彼世不取三界至一切法悉皆不取謂一切法悉无衆生如是不取得言禪師天子若彼禪師无少法取非取不取以是義故得言禪師說是法時會中無量百千衆生皆生

疑心云何云何此云何取云何不取如來說言知三解脱門得證涅槃修三十七菩提分法證涅槃者而此文殊師利童子遮菩提分法得證涅槃者此文殊師利童子所說共如來語不相應耶余時文殊師利童子知彼此比丘心生疑已即問長老舍利弗言大德舍利弗汝信如來說汝智慧第一耶大德舍利弗於何時中无欲法證有何法證大德豈不證四諦耶修三十七菩提分法或證三解脱門長老舍利弗言文殊師利乃至无有少法可得若修若證若知若得何以故以一切法不取不生无記空證不空空證說此法時三千比丘不受諸法漏盡心得解脫

余時善住意天子讚歎文殊師利童子作如是言善哉善哉文殊師利利智慧人善說如是甚深空忍文殊師利言天子我非利智一切毛道凡夫利智何以故毛道凡夫如利智智何者利智地獄利智畜生利智餓鬼利智閻魔羅王世間利智三界利智如

是利智得言利智不知前際諸有為行天子毛道凡夫貪欲利智瞋恚利智愚癡利智非是聲聞非是緣覺得忍菩薩如是天子愚癡利智如是應知天子問言文殊師利仁哉論不文殊師利答言不也天子問言學他語耶文殊師利答言不也天子問言唯言云云文殊師利答言如是如是天子我取言語天子問言文殊師利以何意故如是說耶文殊師利答言天子若菩薩一字一句不動彼字不動句義次第問道如實而知不知空不知離知无體知不生如是知若不知非知非解非受非作是故得言唯言語句余時世尊讚歎文殊師利童子作如是言善哉善哉文殊師利汝今已得陀羅尼故能如是說文殊師利言世尊非我得陀羅尼何以故世尊若愚癡人得陀羅尼非佛菩薩得陀羅尼何以故世尊愚癡凡夫得陀羅尼得何等法所謂得我得衆生得命得丈夫得斷得常得貪瞋癡得无明有愛五陰自身十八界六入六外入見

若世尊天子問者

第一

若

分別不分別無分別不分別行如是世尊愚癡凡夫得陀羅尼以取相故分別不分別無分別不分別行如是世尊愚癡之人得陀羅尼何以故若法愚癡人得則非佛得非聲聞得非緣覺得非菩薩得如是得言愚癡之人得陀羅尼何以故如愚癡人虛妄心取非佛聲聞緣覺菩薩

余時善住意天子語文殊師利童子言文殊師利仁者若非得陀羅尼何故憐鈍文殊師利言如是天子我實憐鈍何以故彼憐鈍行無人能知如來聲聞緣覺菩薩天子若非憐鈍彼人則是愚癡凡夫何以故以障導故愚癡凡夫貪著心行憐鈍愚癡須陀洹人障導行說尚貪心行何況愚癡凡夫之人如是天子如是得言我是憐鈍非得陀羅尼何以故乃至少物我不得故

余時會中五百比丘聞此法門不能信受生大怖畏棄捨而去自身將墮大地獄中余時尊者舍利弗語文殊師利童子言文殊師利應當觀察此

若世尊天子問者

第二

若

會大衆然後說法仁說如是甚深法門此衆會中五百比丘聞說如是甚深法門不能信受生大怖畏棄捨而去自身將墮大地獄中文殊師利言大德舍利弗汝莫分別乃至无有少物可得墮於地獄何以故以一切法悉不生故大德舍利弗汝語我言應當觀察此會大衆然後說法大德舍利弗若善男子善女人依止我見依衆生見依壽命見依丈夫見雖復供養恒河沙等諸佛如來應正遍知及比丘僧一切樂具盡其形命如是供養若聞我說如是難解甚深法門一切世間聞不能信謂空無相无願寂靜不滅不生無有衆生壽命丈夫無我无常苦法無我捨而不受速墮地獄大德舍利弗若善男子若善女人聞此甚深難解之法捨而不受生地獄中從地獄出依止我見雖復供養恒河沙等諸佛如來應正遍知而不得聞此甚深法

余時世尊讚歎文殊師利童子作如是言善哉善哉文殊師利如是如是

若世尊天子問者

第三

若

如汝所說文殊師利如諸如來出現於世間此法門亦復如是如人證得須陀洹果聞此法門亦復如是如人證得斯陀含果聞此法門亦復如是如人證得阿那含果聞此法門亦復如是如人證得阿羅漢法聞此法門亦復如是何以故非依止我得證此法證此法時无所得故

余時世尊即告尊者舍利弗言舍利弗此諸比丘速出地獄得證涅槃非彼愚癡凡夫之人心有所得墮見疑中供養如來舍利弗如是彼人是以因緣當得涅槃非是餘人速得解脫何以故以不聞此甚深法故舍利弗善男子善女人若得聞此甚深法門一經於耳雖不信受墮於地獄而速解脫非墮疑見非有所得

余時善住意天子語文殊師利童子言文殊師利仁欲與我同梵行耶文殊師利童子答言如是天子我欲與汝同於梵行以汝梵行不取梵行不行梵行天子問言文殊師利以何意故如是說耶文殊師利答言天子若

其取者彼得言行若其不取彼何所作天子若得梵行彼則有行若無所得彼何所作天子問言文殊師利仁此梵行為何所作文殊師利童子答言如是我非梵行何以故以此梵行非梵非行非我非梵行如是得言我行梵行天子讚言善哉善哉文殊師利乃能如是以無障尋辨才樂說文殊師利言我有障尋云何言我有無障尋辨才樂說何以故一切有我有所者皆有分別諸有分別皆有障尋

余時文殊師利童子復語善住意天子言天子若汝天子欲同梵行汝斷一切諸衆生命而不捉鐵不捉刀塊不捉杖等如是我汝同於梵行天子問言文殊師利以何意故如是說耶文殊師利問言天子所言衆生言衆生者汝意云何天子答言文殊師利所言衆生言衆生者乃至唯有名字想取文殊師利言如是天子然取我想然取命想取丈夫想天子問言仁以何物然取命想文殊師利答言天

子以慧鐵然彼般若鐵如捉如然如捉不知如割不知天子應知彼門若然我想然衆生想如是名然一切衆生如是我汝同於梵行

余時文殊師利童子復語善住意天子言天子若汝天子十不善業道集行一切染分平等行非是淨分平等行如是我汝同於梵行天子問言文殊師利以何意故如是說耶文殊師利答言天子若此染分平等彼平等平等行如是我汝同於梵行天子汝意云何何者染分平等天子答言不作不貪文殊師利問言天子言淨分者是何法耶天子答言法性法界真如實際三解脱門此是淨分文殊師利問言天子汝復更能遍法界不答言不也文殊師利言如是天子以此意故我如是說若汝染分平等非淨分平等行如是我汝同於梵行

意故如是說耶文殊師利答言天子言然然者是何言語然何物人天子當知然言語者然貪瞋癡我慢嫉妬幻偽諂曲取相想受如是名然已說然竟天子應知天子若有禪師生貪欲心生已能離能令寂靜能令寂滅如是得言空無所有不善不取如是天子欲心生滅思量通達如是此心於何處生於何處滅於何處樂於何法樂如是觀察貪無所得於何處樂彼無所得於何法樂彼無所得若無所得彼則不取若不取者彼則不捨若不捨者如是彼則不取不捨如是得言離欲寂滅如是乃至心如是說天子當知如是法然即生即然如是得言初始起心欲然人時頭上先打如是名然我意在此故如是說

是言佛文殊師利問言天子於意云
世尊弟子摩訶 第七卷 本 目本
何真如法界汝能淨不答言不也文
殊師利言我意在此故如是說若汝
天子於佛不淨如是我汝同於梵行
復次天子所言法者汝云何解天子
答言文殊師利是難欲法如是言法
文殊師利問言天子於意云何彼難
欲法汝能淨不答言不也文殊師利
言我意在此故如是說若汝天子於
法不淨如是我汝同於梵行
復次天子所言僧者汝云何解天子
答言以無為故如是言僧聖聲聞僧
是無為僧如是言僧文殊師利問言
天子於意云何彼無為僧汝能淨不
答言不也文殊師利言我意在此故
如是說若汝天子於僧不淨如是我
汝同於梵行天子若人得佛彼則淨
佛若人得法彼則淨法若人得僧彼
則淨僧天子若不得佛如是彼人不
淨於佛若不得法如是彼人不淨於
法若不得僧如是彼人不淨於僧何
以故以佛法僧非彼人得以如是故
得言不淨復次天子若人受佛受法

受僧彼人淨佛淨法淨僧若不得佛
世尊弟子摩訶 第七卷 本 目本
彼不淨佛則不淨佛若不得法彼不
淨法則不淨法若不得僧彼不淨僧
則不淨僧天子若不淨著此貪欲句
此不合句此亦不合句不實思量句不
實句不實決定句不離欲句是故得
言離欲寂滅天子我意在此故如是
說若汝天子於佛不淨法僧不淨如
是我汝同於梵行
余時善住意天子語文殊師利童子
言甚為希有文殊師利乃能如是說
甚深處我當報恩文殊師利答言天
子汝莫報恩天子問言我今云何得
不報恩文殊師利答言天子汝莫報
恩如是天子汝莫報恩即是報恩天
子問言文殊師利仁不報恩文殊師
利答言天子如是如是我報恩非
我報恩天子問言文殊師利以何意
故如是說耶文殊師利答言天子愚
癡之人作異法愚癡之人作異法
見愚癡之人作異法行以作異法
行見故得言報恩天子當知此非正
行善男子也乃至少作或作不作是

故得言不報恩者如佛世尊平等說
世尊弟子摩訶 第七卷 本 目本
法謂一切法皆悉不作亦不可作心
平等不異取不異作是故得言不報
恩者天子問言文殊師利仁住何法
如是說忍為住忍說為住法說文殊
師利答言天子非忍非法天子問言
文殊師利於何處住如是說耶文殊
師利問言天子幻化人身於何處住
天子問言何處復有幻化人住文殊
師利答言天子如真如住彼幻化人
如是而住天子當知若如是說何處
住說若如是者云何問言何忍何法
天子當知忍唯有名無住處法不
移動亦不分別又無處所天子一切
衆生於何處住於彼處住佛如是說
何以故如佛所說如真如住一切衆
生亦如是住真如不動如一切衆生
真如如來真如不二真如不異真如
余時善住意天子語文殊師利童子
言文殊師利言沙門都沙門都者是
何言語言沙門都文殊師利答言天
子謂非沙門非婆羅門何以故天子
若不著欲界不著色界不著無色界

彼名沙門我如是說天子若不漏眼若不漏耳若不漏鼻若不漏舌若不漏身若不漏意彼名沙門我如是說天子若不依止不依止說不依止處不依處說彼名沙門我如是說天子若無少心貪樂无少處来不傷無傷彼名沙門我如是說如是句說若非沙門非婆羅門

尔時會中有五菩薩得四禪處得五神通時彼菩薩依三昧坐依三昧起未得法忍時彼菩薩自憶宿世曾煞母来曾煞父来煞羅漢来念彼殘業是故心熱不能獲得甚深法忍不能證入亦不存心依我分別心憶彼罪不能捨離是故不得甚深法忍尔時世尊知彼菩薩心可開曉以威神力加被文殊師利童子尔時文殊師利童子承佛神力徙坐而起整服充肩右手捉刀磨令使利疾走向佛尔時世尊即語文殊師利童子作如是言汝住汝住文殊師利我先被煞極被煞已何以故文殊師利久遠已来何時有人生心煞我若生煞心即是煞

已當尔之時彼五菩薩有如是念一切法如幻非我非衆生非命非丈夫非人摩那婆非母非父非阿羅漢非佛法僧非有此逆無造逆人何以故今此文殊師利童子點慧深解細心思量聰明利智諸佛所讚得甚深忍已曾供養過去無量億那由他百千佛来文殊師利種種供養過去諸佛自在智慧善能通達一切諸法如法善說如實而說恭敬如来彼捉利刀疾走向佛佛言住住文殊師利我先被煞極被煞已若少有法和合聚集决定名佛名法名僧名母名父名阿羅漢有逆可取則不可離當知彼法無體非有非如非實不生不起空如幻化是故此法無人得罪无罪可得如是如是思量善知彼五菩薩如是知已即時獲得无生法忍既得忍已歡喜踊躍上虛空中去地不遠七多羅樹而說偈言

一切法如幻皆從分別起 此非决定有一切法皆空 心不實分別 愚癡取我想憶念過去世 作何等惡業 過去曾煞害

父母良福田 煞羅漢比丘 作極惡心業彼惡業果報 我應受苦惱 今於善人所聞法除疑悔 心不捨悔恨 憶持大名人解已覺法界 何處无煩惱 佛善巧方便知牟尼 以何方方便 淨衆生疑悔諸法空無體 非佛非法僧 父母不可得非有阿羅漢 非有少法殺 亦无少法墮諸法平等相 如彼平等住 文殊大智慧已證如是法 手捉利刀已 疾走向如来如利刀如佛 彼二無異相 非生亦非實此中無人煞

說此捉鐵刀法門之時周遍十方恒河沙等諸佛世界六種震動大地極動世界皆起時彼十方諸佛世界諸佛世尊皆悉現在現命現住彼佛侍者各問其佛自言世尊是誰威力動此大地世界皆起彼佛答言善男子有佛世界名曰娑婆彼中有佛号釋迦牟尼如来應正遍知為衆說法彼娑婆世界有童子菩薩摩訶薩名文殊師利於善提道得不退轉捉利鐵刀智慧鐵刀疾走向佛以為開曉餘菩薩故有自在力自知堪能以是因緣

善住意天子經卷下 第三十 本 目録

令地大動。爾時世尊依慧鐵刀。如如法說。令不可數衆生眼淨心解。忍生欲行。菩提爾時世尊。以住持力。住持擁護。此衆會中。初始發起。微少善根。虛妄分別。種種分別。諸衆生等。令彼衆生不見鐵刀。於此所說。捉刀。法門不聞不聽。

爾時長老舍利弗。語文殊師利童子。言。文殊師利。仁作極惡生死之業。欲煞賢師。此業若熟。於何處受。文殊師利。言。大德。舍利弗。皆作惡業。我從生來。不曾如是。不知此行。於何處熟。大德。舍利弗。何處幻人。幻化業熟。我如是熟。何以故。以幻化人。不生分別。無虛妄。故大德。舍利弗。一切諸法。皆如幻化。復次大德。舍利弗。我今問汝。隨汝意。答於意。云何。汝有鐵刀。可得。不耶。答言。無也。汝有惡業。可得。不耶。答言。無也。有得果。不答言。无也。大德。舍利弗。若無鐵。無業。無果。報者。何處業熟。爾時尊者舍利弗。言。文殊師利。以何意。故如是說。耶。文殊師利。言。乃至無有少業。報熟。何以故。以一切法。无

善住意天子經卷下 第三十 本 目録

此業無報。无業報熟。

第三十 本 目録

目録

爾時彼處十方世界。諸來菩薩摩訶薩等。白佛。言。世尊。惟願世尊。以威神力。加被文殊師利童子。令至十方諸佛世界。如是說法。如我來至此佛世。亦爾。時文殊師利童子。語彼菩薩摩訶薩。言。汝等善男子。各各觀察。自佛世。一時。彼菩薩摩訶薩等。普彼十方。各各觀察。自佛世界。各各自聞。自佛世界。文殊師利童子。音聲。各見文殊師利童子。住其佛前。為諸大衆。說此法門。各各皆有善住意。天子。問此法門。各各皆有諸菩薩。集皆有天子。如是。元已得未曾有。皆悉歡言。希有。希有。今此文殊師利童子。此佛世界。安住不動。而一切處。皆悉普現。一切皆見。爾時文殊師利童子。為彼菩薩。說如是言。善男子。譬如幻師。善學幻術。不動坐處。示種種色。如是菩薩。善學般若。波羅蜜。幻如幻法。中乃至一切諸佛世界。隨心憶念。皆悉普現。何以故。一切諸法。皆如幻。故如是應知。爾時世尊。語文殊師利童子。言。文殊

善住意天子經卷下 第三十 本 目録

師利。如諸如。未出現於世。聞此法門。亦復如是。如人證得。須陀洹果。聞此法門。亦復如是。如人證得。斯陀含果。聞此法門。亦復如是。如人證得。阿羅漢果。聞此法門。亦復如是。如人證得。阿羅漢法。聞此法門。亦復如是。聞此法門。心生信解。如坐菩提。聞此法門。亦復如是。文殊師利童子。自言。如是。世尊。如空。如平等。如無相。如平等。如無願。如平等。如真如。如平等。如法界。如平等。如實際。如平等。如平等。如平等。如解脫。如平等。如遠離。如平等。爾時文殊師利童子。白佛。言。世尊。唯願世尊。護此法門。後世。末世。五十年。時。於閻浮提。廣行流布。令善男子。善女人。咸得聞之。爾時三千大千世界。一切天人。鼓樂出聲。一切華樹。皆悉敷榮。出種種華。於此三千大千世界。皆悉震動。放大光明。遍滿世界。蔽日月光。令皆不現。六十四億百千諸天。歡喜踊躍。生希有心。住虛空中。雨天華香。末香。塗香。如雨而下。鼓天伎樂。一切合掌。司聲。唱言。善說如是。最勝

妙法奇妙勝法今者文殊師利童子說此法門我等得聞於此世界得生人中便為垂見轉於法輪若有衆生聞此法門有能信解不驚怖畏當知是人必定不從小功德來若有衆生已曾供養過去諸佛乃得聞此甚深法門不驚怖畏

亦時文殊師利童子白佛言世尊今有相現此經法門住持不滅能於後世五十年時於閻浮提廣行流布佛言如是如是文殊師利今有相現此經法門住持不滅文殊師利言如是世尊實作住持令此法門久住於世佛言文殊師利若三解脱門得證涅槃是實實語此經法門後世末世五十年時於閻浮提廣行流布是實實語文殊師利言若世尊說非我非衆生非命非丈夫非人摩那婆非涂非淨是實實語此經法門後世末世五十年時於閻浮提廣行流布是實實語若世尊說非貪嗔癡非名非色非因非見非有非有識非身非身記非心非心記非憶非憶念非處非處行非

色非受非想非行非識非眼非色非耳非聲非鼻非香非舌非味非身非觸非意非法非欲界非色界非无色界非斷非常是實實語此經法門後世末世五十年時於閻浮提廣行流布是實實語若世尊說非須陀洹非須陀洹果非斯陀含非斯陀含果非阿那含非阿那含果非阿羅漢非阿羅漢法非辟支佛非辟支佛法非如來非如來法非力非無畏非想非識非空非无相非無願非无欲非本性非得非證非集非明非解脫非彼岸非中間非此岸非涅槃非名非无記是實實語此經法門後世末世五十年時於閻浮提廣行流布是實實語若世尊說實无有人相應不相應不合不散是實實語此經法門後世末世五十年時於閻浮提廣行流布是實實語如是世尊若前如來應正遍知過去已說无有少法衆生得脫無得涅槃非有衆生非有法生非有法滅非失非動如過去說如是未來如是現在皆如是說是實實語此經法門

後世末世五十年時於閻浮提廣行流布是實實語如是世尊若說此法無少法說非語非說非言語說非畢竟說非後時說非現前說非響聲說非數數說非此法說无一字說非此法說無人現在聽无人未來聽無人得解脫是實實語此經法門後世末世五十年時於閻浮提廣行流布是實實語若世尊說此戒非戒非戒果非三昧非三昧處非般若非般若根智非解脫非解脫智是實實語此經法門後世末世五十年時於閻浮提廣行流布是實實語若世尊說菩薩法中非布施捨非戒守護非忍修集非精進發非禪決定非般若行非求菩提非實行轉非得菩提非得力非得無畏非根非正非轉法輪非解衆生非言語說是實實語此經法門後世末世五十年時於閻浮提廣行流布是實實語

說此法時於此三千大千世界六種震動余時弥勒菩薩摩訶薩白佛言世尊以何因緣於此世界如是大動

世尊即告弥勒菩薩摩訶薩言

汝今莫作是語少信衆生聞不能解

則生怖畏弥勒菩薩摩訶薩言

世尊如來若說多人得力多所利益

安樂天人佛言弥勒過去已有七十

四億那由他百千諸佛於此地處說

此法門文殊師利童子菩薩與善住

意天子相隨問答論義弥勒菩薩摩

訶薩白佛言世尊文殊師利童子菩

薩與善住意天子相隨聞此法門其

已久如於何佛所聞此法門佛言弥

勒過去久遠七阿僧祇百千劫際有

佛出世号曰普華師子遊步勝功德

集如來應正遍知如是善男子於彼

佛所聞此法門

說此法時恒河沙等衆生發阿耨多

羅三藐三菩提心彼二倍人得不退

忍彼二倍人得離垢法眼

世尊既說此法門已時諸比丘文殊

師利童子菩薩善住意天子并諸天

人阿修羅乾闥婆等聞佛所說皆大

歡喜

聖善住意天子所問經卷
已亥歲高麗國大藏都監奉
勅彫造

世尊即告弥勒菩薩摩訶薩言
汝今莫作是語少信衆生聞不能解
則生怖畏弥勒菩薩摩訶薩言
世尊如來若說多人得力多所利益
安樂天人佛言弥勒過去已有七十
四億那由他百千諸佛於此地處說
此法門文殊師利童子菩薩與善住
意天子相隨問答論義弥勒菩薩摩
訶薩白佛言世尊文殊師利童子菩
薩與善住意天子相隨聞此法門其
已久如於何佛所聞此法門佛言弥
勒過去久遠七阿僧祇百千劫際有
佛出世号曰普華師子遊步勝功德
集如來應正遍知如是善男子於彼
佛所聞此法門
說此法時恒河沙等衆生發阿耨多
羅三藐三菩提心彼二倍人得不退
忍彼二倍人得離垢法眼
世尊既說此法門已時諸比丘文殊
師利童子菩薩善住意天子并諸天
人阿修羅乾闥婆等聞佛所說皆大
歡喜

世尊即告弥勒菩薩摩訶薩言
汝今莫作是語少信衆生聞不能解
則生怖畏弥勒菩薩摩訶薩言
世尊如來若說多人得力多所利益
安樂天人佛言弥勒過去已有七十
四億那由他百千諸佛於此地處說
此法門文殊師利童子菩薩與善住
意天子相隨問答論義弥勒菩薩摩
訶薩白佛言世尊文殊師利童子菩
薩與善住意天子相隨聞此法門其
已久如於何佛所聞此法門佛言弥
勒過去久遠七阿僧祇百千劫際有
佛出世号曰普華師子遊步勝功德
集如來應正遍知如是善男子於彼
佛所聞此法門
說此法時恒河沙等衆生發阿耨多
羅三藐三菩提心彼二倍人得不退
忍彼二倍人得離垢法眼
世尊既說此法門已時諸比丘文殊
師利童子菩薩善住意天子并諸天
人阿修羅乾闥婆等聞佛所說皆大
歡喜